



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՌՈՒ ՄԱՐԶ
ՇԵՆԱՎԱՆԻ ԳՅՈՒՂԱՊԵՏԱՐԱՆ**

« 10 » ապրիլի 2015թ.

ՀՀ Լոռու մարզպետ
Ա. Նալբանդյանին

Կից Ձեզ ենք ներկայացնում Շենավան համայնքի ղեկավարի թիվ 4 որոշումը և թիվ 3,4 կարգադրությունները:

Համայնքի ղեկավար՝



Գ.Դունամալյան



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՌՈՒ ՄԱՐԶ
ՇԵՆԱՎԱՆ ՀԱՄԱՅՆՔԻ ՂԵԿԱՎԱՐԻ

ՈՐՈՇՈՒՄ ԹԻՎ 4

«20» ապրիլի 2015 թ.

Շենավան համայնք

Լոռու մարզի Շենավան համայնքում շտաբային
ուսումնավարժության անցկացման մասին

Ի կատարումն Լոռու մարզպետի կողմից հաստատված «Հայաստանի Հանրապետության Լոռու մարզի բնակչության պաշտպանության համակարգի նախապատրաստման 2015 թվականի հիմնական միջոցառումների պլան»-ի ա/թ մայիսի 7-ին իմ ղեկավարությամբ Լոռու մարզի Շենավան համայնքում անց է կացվելու շտաբային ուսումնավարժություն «Զրիեղելների, հեղեղումների և սելավների դեպքում բնակչության պաշտպանության կազմակերպում և հետևանքների վերացում» թեմայով:

Ուսումնավարժության կազմակերպման և արդյունավետ անցկացման նպատակով

ՈՐՈՇՈՒՄ ԵՄ՝

1. Նշանակել՝

1.1. Ուսումնավարժության ղեկավարման շտաբի պետ՝ Ս.Հայրապետյանին: Շտաբը կազմավորել համայնքի ծառայությունների բազայի վրա:

2. Ուսումնավարժությունում ընդգրկել համայնքային կապի և ազդարարման, ինժեներական, բժշկական, տրանսպորտային, առևտրի, սննդի և նյութատեխնիկական մատակարարման միասնական, բույսերի և կենդանիների պաշտպանության, հասարակական կարգի պահպանման, բնակչության հատուկ սպասարկումների, կոմունալ-տեխնիկական, էներգետիկայի և լուսաքողարկման, գազա-սպասարկման ծառայություններին:

3. ՔՊ շտաբի պետին.

- մշակել և մինչև մայիսի 4-ը իմ հաստատմանը ներկայացնել ուսումնավարժության նախապատրաստման և անցկացման փաստաթղթերը և ապահովել պլանով նշված միջոցառումների սահմանված ժամկետներում կատարումը.
- ուսումնասիրել և ճշգրտել «Շենավան համայնքի 2015 թվականի ընթացքում հնարավոր ջրհեղեղների, հեղեղումների, սելավների և սողանքների կանխարգելման, հետևանքների նվազեցման ու վերացման միջոցառումների պլանը» և դրանց իրականացման մեխանիզմը.
- Համայնքային ծառայությունների ու կազմավորումների ղեկավարների հետ անցկացնել տեսական պարապմունքներ, շտաբային վարժանքներ.
- ուսումնավարժության անցկացման ընթացքում ապահովել իրավիճակի մասին տեղեկությունների ժամանակին ընդունումը, ամփոփումը, գնահատումն ու շահագրգիռ մարմիններին հասցնումը.
- նախապատրաստել ղեկավարման կետը:
- ուսումնավարժության անցկացմանը պատրաստ լինելու մասին ինձ գեկուցել մինչև մայիսի 5-ը:

4. Համայնքային ծառայությունների պետերին.

- 1) ուսումնասիրել և ճշգրտել ծառայությունների պլաններն ու խնդիրները: Ակտիվորեն համագործակցել ուսումնավարժության ղեկավարման շտաբի հետ.
- 2) Կապի և ազդարարման ծառայության պետ Գալյա Դունամայանին՝ ապահովել կայուն և անխափան կապ ծառայությունների ու արձագանքող ուժերի հետ:
- 3) Տրանսպորտային ծառայության պետ Իգիթ Աբրահամյանին՝ պատրաստ վիճակի բերել առկա տրանսպորտային միջոցները՝ ջրհեղեղների, հեղեղումների և սելավների դեպքում բնակչության պաշտպանության կազմակերպման և հետևանքների վերացման նպատակով.
- 4) Բժշկական ծառայության պետ Լենա Կարապետյանին՝ ճշգրտել ծառայության խնդիրներն ու դրանց լուծման կարգը.
- 5) Բույսերի և կենդանիների պաշտպանության ծառայության պետ՝ Ռազմիկ Արշակյանին ճշգրտել ծառայության խնդիրները՝ ջրհեղեղների, հեղեղումների և սելավների դեպքում բնակչության պաշտպանության կազմակերպման և հետևանքների վերացման նպատակով.

6) Էներգետիկայի և լուսաբողարկման ծառայության պետ Նահապետ Պալյանին՝ ճշգրտել ծառայության խնդիրներն ու դրանց լուծման կարգը:

7) Գազասպասարկման ծառայության պետ Պարույր Կարապետյանին՝ ճշգրտել ծառայության խնդիրներն ու դրանց լուծման կարգը:

8) Հասարակական կարգի պահպանման ծառայության պետ Վահագն Գասպարյանին՝ ջրհեղեղների, հեղեղումների և սելավների դեպքում բնակչության պաշտպանության կազմակերպման և հետևանքների վերացման նպատակով ձևել ծառայության խնդիրները, պատրաստ վիճակի բերել ծառայության միջոցները:

9) առևտրի, սննդի և նյութատեխնիկական մատակարարման միասնական, ինժեներական, բնակչության հատուկ սպասարկումների և կոմունալ-տեխնիկական ծառայությունների պետերին՝ ճշգրտել ծառայության խնդիրներն ու դրանց լուծման կարգը:

5. Սույն հրամանը հայտարարել ըստ առնչության:

6. Սույն հրամանի կատարման հսկողությունը վերապահում եմ ինձ:

ՀԱՄԱՅՆՔԻ ՂԵԿԱԿԱՆ  Գ. Ղունամալյան





**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՐՈՒ ՄԱՐԶ
ՇԵՆԱԿԱՆ ՀԱՄԱՅՆՔԻ ՂԵԿԱՎԱՐ**

10 ապրիլի 2015թ.

ԿԱՐԳԱՂՈՒԹՅՈՒՆ ԹԻՎ 3

ԲՈՎԱՆԴԱԿՈՒԹՅՈՒՆԸ - Զրիեղելներից, հեղեղումներից և սելավներից տուժած տարածքներում հետախուզության կազմակերպման և իրականացման վերաբերյալ:

Ս. թ. ապրիլի 4-ից 6-ը Շենական համայնքում տեղացած հորդառատ անձրևի և ինտենսիվ ձնհալի պատճառով ստեղծվել են արտակարգ իրավիճակներ:

Վնասների, տուժածների և ստեղծված իրավիճակի վերաբերյալ ստույգ տեղեկություններ ստանալու, ինչպես նաև որոնողափրկարարական և անհետաձգելի վթարավերականգնողական աշխատանքների անցկացման նպատակով.

ԿԱՐԳԱՂՈՒՄ ԵՄ

1. Ուսումնավարժության ղեկավարման շտաբի պետ՝ Ս Հայրապետյան

- Կատարել տուժած տարածքներում հետախուզություն, առանձնահատուկ ուշադրություն դարձնելով մարդկանց հավանական գտնվելու վայրերի, ինչպես նաև փրկարարական ուժերի մուտքի, երթուղիների մանրամասն հետախուզության վրա.
- կազմակերպել և իրականացնել հետախուզություն համայնքի տարածքում, հավաքել, ընդհանրացնել և մշակել աղետի մասին տեղեկությունները.
- կազմակերպել և անցկացնել հետախուզություն՝ գետի հունի, հակահեղեղային կառույցների և սելավատարների վիճակի գնահատման նպատակով, հնարավոր ջրածածկման գոտիներում կազմակերպել հսկողություն.
- իրավիճակի մասին պարբերաբար գեկուցել ինձ.
- ստացված հետախուզական տեղեկատվությունների հիման վրա ճշգրտել համայնքային ծառայությունների գործողությունները.
- հաշվարկել անհրաժեշտ ուժերի և միջոցների քանակը աղետի վայրերի հետախուզման կազմակերպման համար.
- հետախուզության ղեկավարման և աշխատանքների արդյունավետության նպատակով համայնքը բաժանել գոտիների՝ ըստ տուժած տարածքների.
- հետախուզության օդակի կազմը համալրել այն բնակիչներով, որոնք ծանոթ են տեղանքին և նրա առանձնահատկություններին: Յուրաքանչյուր օդակ ապահովել տրանսպորտային միջոցներով:

2. Հետախուզության խմբի ղեկավար Նվերիկ Հայրապետյանին

- ապահովել համայնքի ղեկավարի տեղակալի հանձնարարությունների անխտիր կատարումը.
- ճշգրտել աղետի մակերեսը, ինտենսիվ տարածման ուղիները, որոշել հետագա իրավիճակի հետևանքների զարգացումը և անմիջապես տեղեկացնել ղեկավարման շտաբին.
- մանրակրկիտ ուսումնասիրել ճանապարհները, նրանց շրջանցիկ ուղիների առկայությունը և դրանցից օգտվելու հնարավորությունները, ճշտել անվտանգ տեղամասերը և ուսումնասիրել դեպի անվտանգ գոտի տանող ճանապարհների վիճակը.
- հայտնաբերել տուժածներին և ցուցաբերել առաջին բուժօգնություն.
- որոշել բնակչության փրկության, տարահաման ձևերն ու կարգը.
- խստորեն պահպանել անվտանգության կանոնները:

3. Կատարված աշխատանքների մասին երկու ժամը մեկ գեկուցել ինձ:



Համայնքի ղեկավար *Գ. Դունամալյան* Գ. Դունամալյան



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՐՈՒ ՄԱՐԶ
ՇԵՆԱՎԱՆ ՀԱՄԱՅՆՔԻ ԴԵԿԱՎԱՐ**

ԿԱՐԳԱԴՐՈՒԹՅՈՒՆ ԹԻՎ 4

10 ապրիլի 2015թ.

ԲՈՎԱՆԴԱԿՈՒԹՅՈՒՆԸ - «Ջրհեղեղների, հեղեղումների և սելավների հետևանքների հնարավոր մեղմացման, միջոցառումների կազմակերպման վերաբերյալ»:

Աղետի գոտում ջրհեղեղների, հեղեղումների, սելավների, ինչպես նաև նրանց առաջացրած երկրորդական ազդող գործոնների՝ հետևանքները մեղմացնելու և վերացնելու նպատակով.

ԿԱՐԳԱԴՐՈՒՄ ԵՄ

1. Ուսումնավարժության ղեկավարման շտաբի պետ՝ Ս Հայրապետյանին

- ճշգրտել «Շենավան համայնքի 2015 թվականի ընթացքում հնարավոր ջրհեղեղների, հեղեղումների, սելավների և սողանքների կանխարգելման, հետևանքների նվազեցման ու վերացման միջոցառումների պլանը»:
 - առավել վտանգավոր գոտիներում կազմակերպել և անցկացնել փրկարարական անհետաձգելի վթարավերականգնողական աշխատանքներ (ՓԱՎԱ)։
 - իրականացնել առկա և անհրաժեշտ ինժեներական տեխնիկայի, ուժերի և միջոցների հաշվարկ, փնտրել լրացուցիչ ուժերի և միջոցների հայթայթման ուղիներ։
 - համապատասխան տեխնիկայի միջոցով մաքրել գետի հունը, հակահեղեղային կառույցների և սելավատարների անհրաժեշտ հատվածները, վտանգավոր տեղամասերում ամրացնել ափապաշտպան թմբերը՝ ընդգրկելով համայնքի բնակչությանը։
 - կազմակերպել և իրականացնել վտանգավոր տարածքներից անվտանգ տարածք՝ մարդկանց, կենդանիների և նյութական արժեքների ժամանակավոր տեղափոխումը և տեղաբաշխումը։
 - միջհամայնքային ճանապարհների հատվածներում կատարել մաքրման աշխատանքներ։
 - ուժեղացնել հսկողությունը և դիտարկումները պոտենցիալ վտանգ ներկայացնող տարածքների նկատմամբ, որոնք կարող են սպառնալիք ներկայացնել տրանսպորտային միջոցների անխափան երթևեկությանը։
 - ապահովել տուժած բնակչությանը և ՓԱՎԱ կատարող կազմավորումներին սննդամթերքով, ջրով, կացարաններով և տաք հագուստով։
 - ջրհեղեղների, հեղեղումների և սելավների պատճառած վնասների չափերը ուսումնասիրելու և գնահատելու համար ստեղծել համապատասխան հանձնաժողով։
 - հնարավոր վտանգավոր վայրերում բնակիչների ուժերով կազմակերպել շուրջօրյա շարժական հսկիչ կետեր, սահմանել հերթապահություն՝ վտանգների մասին տեղեկատվությունը ապահովելու համար։
 - իրազեկել վտանգավոր գոտում գտնվող բնակչությանը՝ սպառնացող վտանգների, նկուղային հարկերից իրենց ունեցվածքի տեղափոխման անհրաժեշտության, ինչպես նաև նման դեպքերում բնակչության վարվելակերպի կանոնների մասին։
 - իրականացնել առավել վտանգավոր տարածքներից անվտանգ տարածքներ բնակչության տարահանման և կենսաապահովման միջոցառումներ։
- 1. Համայնքային ծառայությունների պետերին՝**
- Բժշկական ծառայության պետ Լենա Կարապետյան՝ իրականացնել տուժածների առաջին բուժօգնության ցուցաբերում, ապահովել տուժածների անհապաղ տեղափոխումը հիվանդանոցներ կամ այլ բուժաստատություններ։
 - Հասարակական կարգի պահպանության ծառայության պետ Վահագն Գասպարյան՝ օժանդակել ՓԱՎԱ իրականացնող աշխատանքներին, ապահովել կազմավորումների մեքենաների ազատ մուտքը դեպի տուժած բնակավայրեր վտանգավոր գոտում կազմակերպել շուրջօրյա և ուժեղացված հերթապահություն։
 - Էներգետիկայի և լուսաբոլորկման ծառայության պետ Նահապետ Պալյան՝ գիշերային ժամերին փրկարարական և վթարավերականգնողական աշխատանքները շարունակելու համար ապահովել համապատասխան լուսավորվածությամբ, առաջնահերթ վերականգնել էներգամատակարարումը տուժած տներում։
 - Կապի և ազդարարման ծառայության պետ Գայյա Դունամայան՝ ապահովել մշտական կապը ՓԱՎԱ իրականացնող ուժերի հետ։
- 3. Կատարված աշխատանքների մասին երկու ժամը մեկ զեկուցել ինձ:**

Համայնքի ղեկավար  Գ. Դունամայան